



04.11.2019



АНГЛИЯ қироллигининг шаҳзодаси тўрт ёшли Жорж мактабга борди. У Лондондаги шахсий мактаблардан бирида таҳсил олади. Оммавий ахборот воситалари шаҳзодага илм берадиган “Tomas’s Battersea” мактаби ҳақида маълумот берди. Масалан, таомномада тез тайёр бўладиган овқатлар йўқ. Болаларни фақат иссиқ таомлар билан сийлашар экан. Энг қизиғи, бу мактабда компьютер ва гаджетлардан фойдаланишга рухсат этилмайди.

ITнинг фикрича, компьютерлар болаларнинг ижодий имкониятини чеклайди, шунингдек, олға интилишига қўймайди. Энг ёмони, диққатини ҳам ўғирлайди.

“Таълим бу — одамга хос туйғуларни ҳис қилиб, яшаш тажрибасини ўрганиш, дейди педагог-новатор Пол Томас. Савод чиқаришу фикрлаш қобилиятининг ўсишида технология фақат халал беради ва боланинг диққатини чалғитади, холос”.

Энг қизиғи, дунёнинг бадавлат одамлари болаларини эскича усулда ўқитадиган мактабларга ўқишга бериб, ўзини замондан орқада қолган, деб ҳисобламайди, аксинча, улар гаджетга қул бўлмаган, мустақил фикрлаш қобилиятига эга фарзанд ўстириб, келажак учун қайғурмоқда.

Ақлли одамлар “замонавий”ларидан бошқачароқ йўл тутаяди. Бутун дунё одамлари ҳали гапириб улгурмаган боласини кўтариб, интернет атрофида парвона бўлаётган бир пайтда техника ихтирочилари фарзандига компьютер ҳақида тасаввур уйғотишни ҳам маъқул кўрмаяпти. Селикон водийсидаги ихтирочиларнинг фарзандлари “Waldorf of the Peninsula” (Уолдорф ярим ороллари) номли мактабда таҳсил олишади. Мазкур илм даргоҳининг биноси АҚШдаги бошқа иморатлардан эскилиги билан ажралиб туради. Масалан, синф хоналарига кирсангиз, кўз олдингизда ўтган асрнинг 50-йиллари намён бўлади. Эски ёғоч парталар, доска, рангли бўр ва қадимий китоблар... Ҳеч қандай планшету компьютерлардан асар йўқ. Бу

мактабнинг болалари интернетдан маълумот изламайди, аксинча, китоб ва варақ титкилаб илм ўрганади. Китоб, дафтардан ташқари, қалам, бўёқ, қоғозли алифбо, ўқув адабиётлари ҳар бир ўқувчининг ўқув қуроли саналади. Мактаб ўқувчиларининг ҳеч бири гаджетлардан фойдаланмайди. Болалар бундай имкониятдан нафақат синф хонасида, балки уйда ҳам маҳрум этилган.

Бундан ўн-ўн беш йил аввал компьютер билимдонлари ҳам болалар тарбиясида худди шундай усулни қўллаб-қувватлаган эдилар.

Қудратли “eBay” корпорациясининг техник директори ўз фарзандини компютери йўқ мактабга олиб боради. Силикон водийсининг бошқа гигантлари: Google, Apple, Yahoo, Hewlett-Packardнинг энг кўп пул тўланадиган ходимлари ҳам иккиланиб ўтирмасдан шундай йўл тутишди.

Бугун замонавий аёлларнинг бири: “Менинг болам икки ёшдан планшетда ўйнашни қотиради”, деб мақтанса, иккинчиси: “Ўғлим 7 ёшда ютубда канал очди”, деб унисидан ўтиб тушмоқчи бўлади. Ҳамма ёппасига фарзандини компьютер ва интернет тармоқлари ривожланган, шароити зўр мактабга беришга ҳаракат қилади. Унда “Ручка билан ёзиб ўргатишга не ҳожат? Чиройли ҳуснихат, деб ўқитувчилар бошни қотиради. Бундай талаблар эскириб бўлди-ку! Янги замон ўқувчисига янгича талаб қўйиш керак”, дейдиган ота-оналар орамизда жуда кўп. Бу гаплари билан улар анъанавий таълим тизимига очиқ-ойдин эътироз билдиришяпти. Баъзилари эса: “Нега ўтган асрда яшаб ўтган шоирнинг шеърини ёдлашга болани мажбурлайсиз? Ундан кўра, уларга компютерда дастурлаш сирларини ўргатсангиз, нур устига аъло нур бўлар эди”, дейди.

Бироқ бугунги шиддатли замон ёшларининг хулқи ва саводхонлик даражаси “замонавий ота-оналар” ўзини-ўзи алдаётганини кўрсатмоқда.

Мадина ҲАМДАМОВА тайёрлади.

91 [Чоп этиш](#) [1] [PDF](#) [2]

Сўнгги янгиликлар:

- [Пинҳона уланган тармоқ охир-оқибат фош этилди \(2019 йил, 45 сон\)](#) [3]
- [Вояга етмаганлар нега жиноятга қўл урмоқда? \(2019 йил, 45 сон\)](#) [4]
- [Ҳаётнинг ёрқин ранглари кўп уни кўра билиш учун буюк қалб керак \(2019 йил, 45 сон\)](#) [5]
- [Оила, маҳалла, давлат бу тушунчалар бир-биридан айро эмас](#) [6]
- [Тилимизни таназзулдан асрайлик! \(2019 йил, 45 сон\)](#) [7]
- [Тадбиркорларга кўрсатилаётган хизмат турлари кенгайтирилмоқда \(2019 йил, 45 сон\)](#) [8]
- [Қулайлик: хизмат ходими ҳам баҳоланади \(2019 йил, 45 сон\)](#) [9]
- [Ҳуқуқий мадад — ҳаммага, ҳар доим, ҳамма жойда! \(2019 йил, 45 сон\)](#) [10]
- [Ҳуқуқий тарғибот. Сайлов жараёнида фаол иштирокни таъминлайди \(2019 йил, 45 сон\)](#) [11]
- [Ўзбекистон норма ижодкорлигида баҳолаш услубиётини жорий қилишнинг қиёсий-ҳуқуқий таҳлили](#) [12]

Ссылки

- [1] <http://insonvaqonun.uz/print/5080>
- [2] <http://insonvaqonun.uz/printpdf/5080>
- [3] <http://insonvaqonun.uz/node/5111>
- [4] <http://insonvaqonun.uz/node/5110>
- [5] <http://insonvaqonun.uz/node/5109>
- [6] <http://insonvaqonun.uz/node/5108>
- [7] <http://insonvaqonun.uz/node/5106>
- [8] <http://insonvaqonun.uz/node/5105>
- [9] <http://insonvaqonun.uz/node/5104>
- [10] <http://insonvaqonun.uz/node/5102>
- [11] <http://insonvaqonun.uz/node/5100>
- [12] <http://insonvaqonun.uz/node/5098>